



partii naleraq

UPA 2016/031-01

21.04.2016

Tasiilami qimarnguimmik pilersitsinissamik periarfissat eqqortorneqarnissaat pillugu Naalackersuisut Kommuneqarfik Sermersuumut saaffigineqqullugit peqquneqarnissaannik Inatsisartut aalajangiiffigisassaattut siunnersuut.

Inatsisartunut ilaasortap Laura Tâunâjik, Siumut, Tasiilami qimarnguimmik pilersitsinissamik periarfissat eqqortorneqarnissaat pillugu Naalackersuisut Kommuneqarfik Sermersuumut saaffigineqqullugit peqquneqarnissaannik Inatsisartut aalajangiiffigisassaattut siunnersuutaa Partii Naleqqamiit imannak oqaaseqarfigissuarput.

Nalunngilarput kommuneqarfik Sermersooq pilersaaruteqalereersimasoq, Tasiilami qimarnguimmik pilersitsinissaminut. Taamaammatt uniinnarluta utaqqiinnassangitsugut isumaqarpugut, pingaartumik ukioq manna meeqqat ukiuttut taallugu immikkut meeqqat pitsaaneruseqarfigissuarput.

Taamaammatt paaserusunnarpoq,

1. meeqqat ukiuanni Naalackersuisut immikkut ittunik qanoq pilersaaruteqarpat ?
2. suut immikkuullarissut suliniutit aallartinneqarpat ?
3. tamakkununga qanoq aningaasaliisoqarpat ?

Taamaattumik Naalackersuisut akissuteqaamminni ilaatigut, Ilaqutariinnermut Naligiissitaanermut Isumaginninnermullu Naalackersuisoqarfiup Kommuneqarfik Sermersooq ilisimatitsissuteqarfigineqarsimagaa, naalackersuisoqarfik qimarnguimmik pilersitsiniarnermi akulerussinnaangikkallartoq, kisiannili Namminersorlutik Oqartussat Nalunaarutaat nr. 18, 8 december 2004-meersuumut innersuussisoqaannarsimanera, suliamik pimoorussinnginnertut nalilerparput.

Tassami Naalakkersuisut suliami pimoorussinerungunik kommuneqarfik Sermersooq qaninnerusumik suleqatigalugu akuunerusinnaanera naatsorsuutigineqarsinnaangaluarmat.

Taamaattorli 2016-imut aningaasanut inatsisikkut taamaallat nuna tamakkerlugu qimarnguinnut kr. – it 2.089.000 aningaasaliissutigineqarput, taakkunungalu uku oqaasertaliunneqartut aamma isumalluarnarpallaanngillat:

“Qimarnguinnik ingerlatsinermut tapiissuteqartoqarsinnaavoq. Tapiissutit qimarnguinnut pineqartunut ingerlatsinermut missingersuutit kommunalbestyrelseimit akuerineqartut tunuliaqutaralugit aalangersarneqassapput. Tapiissutit qimarnguiit ingerlatsinermut aningaasartuutaasa affaannik annertussuseqarsinnaapput. Kommunalbestyrelsemit qinnuteqaatit Naalakkersuisoqarfimmit 1. marts nallertinnagu tiguneqartut tapiissutinik pingaarnersiulluni tunniussinissamut ilaatinneqassapput. Qinnuteqaatit marsip ulluisa aallaqqaataata kingorna tiguneqartut takkunneri naapertorlugit tulleriarlugit suliarineqartarput kontumilu anginaasanit sinneruttunit aningaasaliiffigineqarlutik”.

Kisianni taamaakkaluartoq Naalakkersuisut kommuneqarfik Sermersuumik Tasiilami isumaginninnermut tunngasut pillugit suleqatigiinnissamik isumaqatigiissuteqarsimanerat iluaraarput, kisianni aamma Naalakkersuisut kaammattorusuppavut, ajornartorsiutinik pisoqalernissaa utaqqiinnarnargu kommuneqarfiit tamaasa, inunnik isumaginninnikkut suliaspassuit ilaatigut ilungersunarsinnaasut, minnerunngitsumillu sulisoqarnikkut iluarsisassat pillugit qaninnerusumik suleqatigiittoqarnissaa pimoorunneruqqullugu.

Tassami siunissaq ungasinnerusooq isigalugu qimarnguiit naassaannngitsumik isumalluutigineqarsinnaanngitsut tamatta isumaqatigiissutigisinnaavarput, taamaamat suliniutit assigiinngitsut ukiumiit ukiumut utikattaartinneqartut aamma ajunngitsorta qaraluartut, kisianni tingussaannerusunik aammalu inuiaqatigiinni malunnaateqarnerusumik immikkuullarissumillu ajornartorsiutit akiorniarlugit immikkut pilersaaruteqartoqarnerusooq aamma paaserusupparput ?

Taamatut oqaaseqarluta suliap aappassanneerineqannginnerani Isumaginninnermut Ilaqutariinnermullu ataatsimiititaliami suliarineqarnissaa inassutingaarput.